



Damondas da baghegiar

Nr. 116/2022

Datum da publicaziun: 30-09-2022

Patrun: Maissen Paulin Alois artavels, 9247 Henau

Liug e parcella: Surrein-Rosas Dado; 4304

Object: midada d'intent da diever agricol tier buca diever agricol

Nr. 117/2022

Datum da publicaziun: 30-09-2022

Patrun: Societad da condomini parcella nr. 764, c/o Marc Schmid, 8320 Fehraltorf

Liug e parcella: Surrein-Plazzas; 764

Object: remplazzar pegna d'ieli cun pumpa da calira

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 30-09-2022

Cumissiun da baghegiar

Uffeci civil Surselva

Mortori

Foppa Josef, naschius ils 08-06-1974, morts ils 24-09-2022, staus sesents a Rabius.

Sumvitg, 30-09-2022

Controlla da habitonts

Curdem da gronda dimensiun

La vischnaunca organisescha ina rimnada da rufid bloccont sco suonda:

Venderdis, ils 28 d'october 2022 dallas 08.00 - 18.00 uras

Ei vegn rimnau il rufid per l'entira vischnaunca sin la piazza Igniu (spel baghetg economic)

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m³** rumians. Quantitads pli grondas ein da transportar directamein e sin cuost dil caschunader ella deponia regiunala a Rueun. Rumians vegnan buca pri encunter. Tals rumians ein da plazzar als plazz da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds senza ieli e benzin, da tuttas sorts fier, maschinas electronicas senza ieli, mobiliar movibel buc culau giu, requisits dil temps pigns
- per pneus senza gavegl vegn incassau ina taxa da frs. 5.--, cun gavegl frs. 10.--
- per pneus da maschinas agricolas pintgas vegn incassau frs. 20.-- e per pneus da tractur frs. 50.--.

- Calzers da skis san vegnir dai giu en favur dalla ARGO Tavau per frs. 5.--

Buca acceptau vegnan

- tuttas maschinas agricolas, lenna da brisch, veglia e da baghetg, sacs da pupi ni plastic, materials da pachetar, requisits dil temps liber gronds, blachas da ballas da silo, curdems da baghetg, curdem verd da curtin (deponia verda), cartun e pupi vegn rimnau entras la scola

Ils suandonts rumians vegnan rimnai cun ils rumians jamnils:

- sacs tochen 50 kg; 1 marca da frs. 2.50, rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50 e rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directives en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat la geraua responsabla bugen a Vossa disposiziun.

Sumvitg, 30-09-2022

Departament ambient

Deponia da verd e deponia da plastic ad Igniu

Naven d'immediat han las deponias da verd e da plastic ad Igniu aviert mardis e gievgia naven dallas 17.00 – 19.00 uras. La sonda han ellas aviert naven dallas 09.00 – 12.00 uras.

Nus supplichein per enconuschientscha e stein per damondas bugen a Vossa disposiziun.

Sumvitg, 30-09-2022

Departament ambient

Preparaziun sin temps d'unviern

Tenor art. 69 dalla lescha da baghegiar ei la vischnaunca autorisada da schar dismetter la neiv dils implonts publics d'avertura sil schischom privat cunfinont cun prender il duiu risguard sin baghetgs, implonts e cultiras. Per liung dallas vias publicas e privatas ein seivs demontablas ni implonts da tal gener d'allontanar. Ultra da quei ston caglias e roma vegnir tagliadas anavos aschia che la rumida da neiv vegn buca impedita.

Quellas lavurs da preparaziun sil temps d'unviern ston vegnir exequidas entochen alla fin d'october 2022. En cass d'omissiun refusescha la vischnaunca suenter la sesiun d'unviern scadins donns occuri ord la rumida da neiv.

Sumvitg, 30-09-2022

Departament traffic

Rumida da neiv 2022/2023

La vischnaunca exequescha era uonn puspei sin incarica la rumida da neiv per privats. L'indemnisaziun per quella lavur corrispunda allas cundiziuns che l'industria privata pretenda. Plinavon sto quella dismessa da neiv star anavos en prioritad alla rumida dils implonts publics d'avertura. Sche pusseivel duei l'incarica vegnir surdada alla vischnaunca mo leu nua che quella procura era la dismessa dallas vias cunfinontas. Vischinas e vischins che vulan schar exequir la vischnaunca la rumida da neiv da lur vias e parcadis privats durant gl'unviern proxim ein supplicai d'annunziar quei a scret ni per telefon entochen ils **31 d'october 2022** al cau dil menaschi stradal (tel. 079 483 52 97).

Sumvitg, 30-09-2022

Departament traffic

Uniun gimnastica da dunnas Rabius

Invitaziun alla radunonza generala gliendisdis, ils 3 d'october 2022, allas 20.00 ell'ustria «Greina» a Rabius. Has ti gust da far gimnastica cun ina coola truppa da dunnas? Nus fagein era seras da giugs, spassegiadas cun festa ni simplas turas da bike. Nus envidein perquei mintgina alla proxima radunonza generala ni ad ina lecziun da fuffernar. S'annunziar astgas bugen tier Sandra Bearth (078 913 07 10) Nus selegrein sin tei! *Il comité*

Frauenturnverein Rabius

Hast du Lust, mit einer coolen Gruppe zu turnen? Wir haben ein abwechslungsreiches Programm zusammengestellt. Neben dem Turnen treffen wir uns auch zu einem Spieleabend, Eisstockschiessen, Velofahren oder Nordic Walking. Am 1. Oktober geht es schon auf die kleine Herbstwanderung. Hast du Interesse? Dann melde dich doch bei unserer Präsidentin! Anmeldung bei Sandra Bearth (078 913 07 10) Wir freuen uns auf dich! Der Vorstand

Chor mischedau Sumvitg/Cumpadials

Nossa radunonza generala ha liug **venderdis, ils 30 da settember 2022**, allas 19.30 ell'ustria «Cruna». Novs cantadurs e novas cantaduras ein cordialmein beinvegni! Interessents ed interessentas astgan bugen far in fuffernadi. Contactei per plascher zatgi dalla suprastonza (Giuliana, Gieri ni Lucas).

Cuminonza Pro S. Benedetg, Clavadi e contuorn

Invitaziun alla 18. radunonza generala igl 1. d'october 2022 allas 20.00 en l'ustria «Miraval»

Tractandas:

1. Beneventaziun/appel
2. Elecziun dils dumbravuschs
3. Protocol e lur approbaziun
4. Rapport annual dil president
5. Rapport dils cuitgs
6. Rapport dalla cassa/dils revisurs/approbaziun
7. Budget 2022–2023
8. Program da lavur 2023
9. Elecziuns dalla suprastonza
10. Propostas da commembras e commembers
11. Varia

Plaid final dil president. Star si legher/revista da dias. Sin stedia participaziun selegra *La suprastonza*

Sera d'informaziun per interessai dalla scola da talents.Surselva

Sera d'informaziun per interessai dalla scola da talents. Surselva ha liug **mesjamna, ils 5 d'october 2022, allas 19.30 ell'aula dalla scola a Glion**. Dapli informaziuns sut «Vischnaunca Ilanz/Glion».

Infoabend für Interessierte der TalentSchule.Surselva

Infoabend für Interessierte der TalentSchule.Surselva findet am **Mittwoch, 5. Oktober 2022, um 19.30 Uhr in der Aula im Schulhaus in Ilanz statt**. Mehr Informationen unter «Gemeinde Ilanz/Glion».